

臨證指南醫案



食每致胃氣索然。內風來乘。變見驚癇。告斃甚多。附
世俗通套之方。藥於左。不可不知。不足取法也。

防風 荆芥 葛根 前胡 桔梗 木通

赤芍 芍子 厚朴 陳皮 山查 麥芽

枳殼 神麴 鈎藤 夏佐香 壽冬 佐麻 黃羌 活

兩三日熱不解

柴胡 前胡 黃連 黃芩 山梔 連翹

薄荷 葛根 木通 鈎藤 厚朴 枳實

瓜蔓實 丸劑必用大黃

四五日不解。但言食滯未盡。表裏不和。總以柴胡小

胸若嘔逆煩渴用竹茹黃連半夏若痰多喘
麝杏仁蘇子藟子胆星貝母甚者加牛黃此皆吞
當戒也

屢清消不愈便無方法苟不變驚必曰骨蒸孩勞所用
藥餌不分氣血陰陽但知見症施治如早涼暮熱必用

地骨皮 丹皮 生地 玄參 甘草 北沙參

石斛 知母

有痰加

蘇子 杏仁 貝母 橘紅 胆星 桔梗

其鈎藤石斛秋琴蘗芽之屬每劑必用總之取無故疲

藥得其自愈。倘有變症。希冀掩飾而已。

愚按嬰兒肌肉柔脆。不耐風寒。六腑五臟氣弱。乳汁

內外二因之病自多。然有非風寒。竟致外感。不傳

屬內傷。其故何歟。嘗思人在氣交之中。春夏地氣之

秋冬。天令之降。呼出吸入。與時消息。間有穢濁吸入。卽

是三焦受邪。過募原直行中道。必發熱煩躁。倘幼醫但

執前藥。表散消導。清火通便。病輕或有倖。成病重必死。

顛覆。錢仲陽云。冀履不可近襁褓小兒。余言非無據矣。

四十年來治效頗多。畧述其槩云。

夫春溫夏熱。秋涼冬寒。四時之序也。春應溫而反大寒。夏



應熱而反大涼。秋應涼而反大熱。冬應寒而反大
不正之乖氣也。病自外感。治從陽分。若因口鼻穴
必恰在足太陽經矣。大凡吸入之邪。首先犯肺。發熱喘
喘。口鼻均入之邪。先上經中。咳嗽必兼嘔逆。腹脹。雖因
外邪。亦是表中之裏。設宗世醫發散陽經。雖汗不解。幼
穉質薄神怯。日期多延。病變錯綜。茲以四氣常法列左。

伏氣

春溫一症。由冬令收藏未固。昔人以冬寒內伏藏於少陰
入春發於少陽。以春木內應肝胆也。寒邪深伏。已經化
熱。昔賢以黃芩湯爲主方。苦寒直清裏熱。熱伏於陰。苦

味堅陰乃正治也。知溫邪忌散。不與暴感門同法。若因外邪先受。引動在裏伏熱。必先辛涼以解新邪。繼進以寒以清裏熱。況熱乃無形之氣。幼醫多用消滯攻滯。形胃汁先涸。陰液劫盡者多矣。

黃芩湯

蔥豉湯

新邪引動伏邪

備用方

涼膈散

清心涼膈散

風溫

風溫者。春月受風。其氣已溫。經謂春氣病在頭。治在上焦。肺位最高。邪必先傷。此手太陰氣分先病。失治則入手厥陰心胞絡。血分亦傷。蓋足經順傳。如太陽傳陽明。人



皆知之肺病失治。逆傳心胞絡。幼科多不知者。皆因見
身熱咳嗽。不知肺病在上之旨。妄投荊防柴葛。加入
朴杏蘇藹子查麥廣皮之屬。輒云解肌消食。有見痰喘
便用大黃礞石滾痰丸。大便數行。上熱愈結。幼穉穀少
胃薄表裏苦辛化燥。胃汁已傷。復用大黃大苦沉降丸
藥。致脾胃陽和傷極。陡變驚癇。莫救者多矣。

按此症風溫肺病。治在上焦。夫風溫春溫忌汗。初病投
劑。宜用辛涼。若雜入消導發散。不但與肺病無涉。劫盡
胃汁。肺之津液。上供頭目。清竅徒爲熱氣薰蒸。鼻乾如
煤。目瞋。或上竄無淚。或熱深肢厥。狂躁溺瀉。胸高氣促。



皆是肺氣不宣化之徵。斯時若以肺藥少加一味清
使藥力不致直趨腸中。而上痺可開。諸竅自爽。無
市庸醫僉云結胸。皆用連翹柴枳。苦寒直降。致閉
甚告斃甚多。

按此症初因發熱喘嗽。首用辛涼清肅上焦。如薄荷連
翹牛蒡象貝桑葉沙參梔皮蔓皮花粉。若色蒼熱勝煩
渴。用石膏竹葉辛寒清散。痧症亦當宗此。若日數漸多
邪不得解。苓連涼膈亦可選用。至熱邪逆傳入膈中。神
昏目瞑。鼻竅無涕淚。諸竅欲閉。其勢危急。必用至寶丹
或牛黃清心丸。病減後餘熱。只甘寒清養胃陰足矣。

備用方薑莖湯

清心涼膈散

涼膈散

瀉白散

葶藶大棗湯

白虎湯

至寶丹

清心牛黃丸

竹葉石膏湯

喻氏清燥救肺湯

夏熱

夏爲熱病。然夏至已前。時令未爲大熱。經以先夏至病溫。

後夏至病暑。溫邪前已申明。暑熱一症。幼醫易眩。夏暑

發自陽明。古人以白虎湯爲主方。後賢劉河間創議。迥

出諸家。謂溫熱時邪。當分三焦投藥。以苦辛寒爲主。若

拘六經分症。仍是傷寒治法。致悞多矣。蓋傷寒外受之

寒必先從汗解。辛溫散邪是已。口鼻吸入之寒。卽爲寒陰病。治當溫裏。分三陰見症施治。若夫暑病。病方甚少。皆因前人畧於暑。詳於寒耳。考古如金匱暑暍之因。而潔古以動靜分中暑中熱。各具至理。茲不槩述。幼科病暑熱夾雜別病有諸。而時下不外發散消導。加入香薷一味。或六一散一服。考本草香薷辛溫發汗。能泄宿水。夏熱氣閉無汗。渴飲停水。香薷必佐杏仁。以杏仁苦降泄氣。大順散取義若此。長夏濕令。暑必兼濕。暑傷氣分。濕亦傷氣。汗則耗氣傷陽。胃汁大受劫斃。變病由此甚多。發泄司令。裏真自虛。張鳳遠云。暑病首用辛

涼。繼用甘寒。再用酸泄酸斂。不必用下。可稱要言不煩矣。然幼科因暑熱蔓延。變生他病。茲摘其槩。

受熱厥逆

夏令受熱。昏迷若驚。此爲暑厥。卽熱氣閉塞孔竅所致。其邪入絡。與中絡同法。半黃丸至寶丹。芳香利竅可效。神甦以後。用清涼血分。如連翹心。竹葉心。玄參。細生地。鮮生地。二冬之屬。此症初起。大忌風藥。初病暑熱傷氣。竹葉石膏湯。或清肺輕劑。大凡熱深厥深。四肢逆冷。但看面垢齒燥。二便不通。或瀉不爽。爲是大忌誤認傷寒也。



幼兒斷乳納食。值夏月脾胃主氣。易於肚膨泄瀉。頭熱。足心熱。形體日瘦。或煩渴善食。漸成五疳。積聚。當審體之強弱。病之新久。有餘者當疏胃清熱。食入糞色。不化。當健脾佐消導清熱。若濕熱內鬱。蟲積腹痛。驅蟲微下之。緩調用肥兒丸之屬。

口疳

夏季秋熱。小兒泄瀉。或初愈未愈。滿口皆生疳。餌嘗有阻塞咽喉致危者。此皆在裏濕盛生熱。熱氣蒸灼津液。不升。濕熱偏傷氣分。治在上焦。或佐淡滲。世俗常刮西瓜翠衣治疳。取其輕揚滲利也。

脹

夏季濕熱鬱蒸脾胃氣弱水穀之氣不運濕着內蘊
漸至浮腫腹脹小水不利治之非法水濕久漬逆行
肺必生咳嗽喘促甚則坐不得卧俯不能仰危期速矣
大凡喘必生脹脹必生喘方書以先喘後脹者治在肺
先脹後喘者治在脾亦定論也金匱有風水皮水石水
正水黃汗以分表裏之治河間有三焦分消子和有磨
積逐水皆有奧義學者不可不潛心體認難以槩述閱
近代世俗論水濕喘脹之症以內經開鬼門取汗爲表
治分利小便潔淨府爲裏治經旨病能篇謂諸濕腫滿

皆屬於脾。以健脾燥濕爲穩治。治之不效。技窮束手。
不知凡病皆本乎陰陽。通表利小便。乃宣經氣利臟腑。
是陽病治法。暖水臟溫脾腎。補方以驅水。是陰病治法。
治肺痺以輕開上。治脾必佐溫通。若陰陽表裏乖違。
眞日瀉。陰陽不運。亦必作脹。治以通陽。乃可奏績。如局
方禹餘糧丸。甚至三焦交阻。必用分消。腸胃室塞。必用
下奪。然不得與傷寒實熱同例。擅投硝黃枳朴。擾動陰
血。若太陰脾臟飲濕阻氣。溫之補之。不應欲用下法。少
少甘遂爲丸可也。其治實症選用方法備採。

備用方葶藶大棗湯

瀉白散

大順散

牡蠣澤瀉散

五苓散

越婢湯

甘遂半夏湯

控涎丹

五子

子和桂苓湯

禹功丸

茯苓防己

中滿分消湯

小青龍湯

木防己湯

附記一徐姓小兒單脹數月。幼科百治無功。僉用肥兒丸萬安散磨積丹綠礬丸雞脾藥俱不效。余謂氣分不效宜治血絡。所謂絡瘀則脹也。用歸鬚桃仁延胡山甲蜚螬蜜蟲靈脂山查之類為丸。十日全愈。

吐瀉霍亂

吐瀉一症。幼兒脾胃受傷。陡變驚搐最多。若是不正穢氣。



觸入或口食寒冷。套用正氣散。六和湯。五積散之類。
氣受傷。肢冷。呃忒。嘔吐。自利。卽用錢氏益黃散。有痰用
星附六君子湯。理中湯等。倘熱氣深伏。煩渴引飲。用
者。連香飲。黃連。竹茹。橘皮。半夏湯。熱閉神昏。用至寶丹。
寒閉。用來復丹。

食瓜果泄瀉

穉年夏月。食瓜果。冰寒之濕。着於脾胃。令人泄瀉。其寒濕
積聚。未能遽化。熱氣必用辛溫香竄之氣。古方中消瓜
果之積。以丁香。肉桂。或用麝香。今七香餅治瀉。亦祖此
意。其平胃散。胃苓湯亦可用。

瘧

瘧因暑發居多。方書雖有痰食寒熱瘧癘之互異。幼
瘧都因脾胃受病。然氣怯神弱。初病驚癘厥逆爲多。夏
夏秋之時。斷不可認爲驚癘。大方瘧症須分十二經。與
欬症相等。若幼科庸俗。但以小柴胡去參。或香薷葛根
之屬。不知柴胡動肝陰。葛根竭胃汁。致變屢矣。幼科純
陽暑爲熱氣症。必熱多煩渴。邪自肺受者。桂枝白虎湯
二進必愈。其有冷食不運。有足太陰脾病見症。初用正
氣。或用辛溫。如草果生薑半夏之屬。方書謂草果治太
陰獨勝之寒。知母治陽明獨勝之熱。瘧久色奪唇白汗

